



褚人获

堅瓠集



丙寅秋日

堅瓠集

集

八十一翁增羊題

堅瓠甲集引

得閒多事外知足少年中人生受用盡此二語要之以無用爲用乃得受用試想古今人士宵旦營營其身心作何着落清夜思之未有不啞然笑者余平居碌碌無所短長二十年前方在少壯已不敢萌分外一念今則百歲強半如白駒之過隙憂從中來悔恨交集輒藉卷帙以自遣其閒軼事綴語偶有所觸不啻後先覲面目擊耳提又如良朋聚首揮麈銜杯談言微中歸則筆之以志不忘凡有裨王化關名教事之可勸可懲者在所必錄以及郵亭歌詠之章閭閻諧謔之語間亦記載而不棄不序歲時之古今不列朝代之後先藏之笥篋久遂成帙嘗於窮窘中見異書必多方購之人或目余爲好事亦所不辭友人彭稗翁贈余後進好事儒者圖記以先博士望余也嗟乎余敢好事哉私幸於百忙中得一刻少閒便可驅策毫墨以此自足噫嘻甘瓠可食康瓠可寶五石之瓠可容惟堅瓠無可用故取以名編雖不足比雞肋鼠璞而其無所適用則一也稗翁曰人知有用之用不知無用之爲用也稼軒惟不用於時不惜以此編

爲世用余深媿此言第爲坊人付之剗剗譬之雪鴻雲鴈不足留存而春鳥秋蟲任其鳴聒若謂蘭菊異芬箕畢殊好此詹詹者或爲海內同志所賞余將盡出所錄以公同志亦冀諸君子各出其所藏韻語軼事郵寄寒門用光拙刻則又鄙人所深願也呵凍漫書以資覽者一噓云時康熙庚午臘月望日

長洲石農褚人穫學稼氏題

堅瓠甲集序

語云中流失船一瓠千金夫瓠腰舟也佩服之以濟川涉險保無顛覆沒溺之患世界有四大地水火風水居其一濺涌昭化厚氣感澤其爲德甚大然而至變亦莫水若發源崑崙分游九流趨爲四海支派百川一有壅滯因而潰決則驚波沸厲望沫揚奔嶽立雷駭泛溢昏墊害被無極自古及今其能往返游泳於中無入而不自得者雖三教聖人指亦不多屈也上溯堯讓舜禪而後老子出函谷秦伯逃荆蠻列寇御風漆園逍遙迦葉拈花達磨折葦呂祖朗吟而飛長房挈壺而隱范少伯之五湖張子房從赤松是皆挾腰舟以行其道者至若尼山宣聖仕止久速惟其時進退存亡不失正欲居奇思浮海臨川歎逝不膠不汨獨得佩瓠之義流行化導於千秋萬世者也稼軒褚先生鈎索古今諸說部不下千百家心織筆耕積歲書成名以堅瓠旨深哉其表綱常節義道德理學則須彌香水洪波巨濤中流砥柱也若探奇誌怪扶異闡幽則瞿塘灩澦噴瀑懸崖也其花間綺麗睨晚關情又如錦江風暖洛水波恬也以詠諸醒世熱

喝冷呼是嚴灘呂梁迅流激盪雲洩電湊也至於巴歛里諺樵唱漁謳兼收竝採豈河海不擇細流耶余將拍浮其中然蜺飲蠶測徒興望洋之歎猛思世浮世也人浮人也少陵云乾坤日夜浮不浮何以旋轉流動運行不息乎因閱輿圖益信斯言之不謬天河之水從星宿海出海形如瓠固知天地亦佩服此堅瓠得以萬古常存而不敝何況行生其間者哉瓠之爲用大矣廣矣請以是質正於稼翁翁曰子說得吾髓當弁之卷首

通家小弟李炳曜菴氏撰

堅瓠甲集卷之一目錄

燈謎詩

琉璃河館壁詩

漁父圖

鸛鶴妃

嘲黑妓

烏江廟

十八學士圖

昭君圖

長吳兩令錄科

咏手

纖手

美人足

曹西士詞

廣文謔詞

棋落水

月洲詩

藥名詩詞

秦李兩巡按

明世宗

金陵女子

遺溺

十二事詩

染指甲

拜年

千秋

鬪百草

踢毬

李後主書扇

牽郎郎

揚威侯勅

釋老侮孔子圖

菊花詩

僧衣

譏呂文煥

廿四詞

鵲橋仙

武陵難女

阮石詠妓

水晶宮

吳門風俗

平江妓

重九詞

尹奚謠

洗兒詩

吳履齋詞

雞鳴詩

賈秋壑詩

白紙詩

蘆花被

菊枕

紙帳

枕易

元遺山妹

謠言

老人喪少婦

七件俱無

風花雪月

賀生第三子詞

賀生第四子

惡角索韻

堅瓠甲集卷之一

長洲石農褚人穫學稼纂輯

燈謎詩

遂安毛鶴舫先生

際可

賦燈謎詩十二首每首隱四人俱在一部書內經生共

讀者清奪晉人覆發漢主取當老參禪留作韻事譜附釋於下未識然否聖瑞

圖云美玉無瑕輯瑞同

白圭

岐豐佳氣慶雲中

周書

從天產下鱗蟲長

龍子

兩

道祥光一色紅

丹朱

太平樂云虎旅歸來已罷兵

畢戰

關梁無禁任遙征

許行

九重天子稱仁聖

王夏

異獸趨朝負輦行

象鼻

王會圖云節屆陽和萬彙蘇

景春

降藩歸化效前驅

王順

北門鎖鑰推良佐

真司

絕域從今按版圖

路稽

嘲一家

低碁云滿院碁聲暑氣收

奕秋

乃翁局敗少機謀

公輸子

君家季父還猶豫

叔子

爲語兒童且自休

子美

金蘭會云綠柳陰中點絳紅

楊朱

良材勝任棟方隆

杞梁

少年意氣真堪託

季任

一諾何妨縞紵通

然友

高隱云垂楊枝上漏春光

澄柳

歸去來辭獨擅長

晉文

聖主南山容霧隱

王豹

素絲白馬爲誰忙

魏駒

家

慶云舊識傳家有雋才

陳良

長男濟困散家財

孟均

更傳遲暮添丁好

子疑

是錢鏗改姓來

彭更

宮詞云春日問花花解語

姚應

良緣欲就轉橫波

成

東

鄰相對憐嬌小

四子

爭比椒房絕艷何

宮之

山行云崑崙西岳接西京

華周

天

際冥鴻物外情

兼廉

莫道路遙頻顧僕

奚百里

衰年負荷歎勞生

勝不

嘲村學究

云身長九尺皓鬚眉

高更

俯首常如持滿時

之

村塾全然無約束

師曠

任兒

攜幼浴清池

子潘

宮怨云夜永雞鳴漏未收

歌丑

官家沉醉百無憂

王驥

蛾眉

一色誰相讓

顏般

南院光輝相對幽

北宮

老農云中男驅犢出前村

牧仲

須避

南山百獸尊

陽虎

更與諸兒相共語

告子

年來齒落復生根

易牙

琉璃河館壁詩

順治初有長沙女子王素音題良鄉琉璃河館壁詩並序妾生長江南摧頽翼
北豺狼當道強從蠹帳偷生烏鼠同居何當將軍負腹悲難自遣事已如斯因
夜夢之迷離寄朝吟之哀怨嗟乎高樓墜紅粉固自慚石崇院內之姝七首耀
青霜當誓作兀朮帳中之婦天下好事君子其有見而憐予乎許虞侯可作沙

叱利終須斷頭陷胸崑崙客重生紅綃妓不難衝垣破壁是所願也敢薄世上
少奇男竊望圖之應有俠心憐弱質 愁中得夢失長途女伴相攜聽鷓鴣却
是數聲吹去角醒來依舊酒家胡 朝來馬上淚沾巾薄命輕如一縷塵青塚
莫生殊域恨明妃猶是爲和親 多慧多魔欲問天此身已判入黃泉可憐魂
魄無歸處應向枝頭化杜鵑和者甚衆蒼書叔父次韻哀之云楚山行盡總征
途誰向黃陵唱鷓鴣烟火不禁愁日暮江鄉還憶煮雕胡 紅淚模糊白練巾
封侯夫壻陌頭塵弓刀隊裏羊裘畔祇共題愁筆墨親 新城王阮亭 士 贈
之以詞調寄減字木蘭花離愁滿眼日落長沙秋色遠湘竹湘花腸斷南雲是
妾家 掩啼空驛魂化杜鵑無氣力鄉思難裁楚女樓空楚雁來

漁父圖

管仲姬題漁父圖云人生貴極是王侯浮利浮名不自由爭得似一扁舟弄月
吟風歸去休趙子昂和云渺蕩烟波一葉舟西風木落五湖秋盟鷗鷺傲王侯
管甚鱸魚不上鉤

鸛鵒妃

秦少游有所寵色黑黃山谷戲以詩云誰饋百牢鸛鵒妃按朱度時黑兒賦云怒如鸛鵒鬬樂似鸛鷥喜黃詩祖之夫丹唇皓腕佳人本色乃晉惠之南風劉鋹之媚豬都以立質爭妍狐妖椒掖豈所謂承恩不在貌與

黑妓

唐崔涯嘲妓李端端詩云黃昏不語不知行鼻似烟肉耳似鐺獨把象牙梳挿鬢崑崙山上海初生端端得詩憂心如病乃拜迎道左戰慄祈哀涯改絕句粉飾之云覓得黃騮披繡鞍善和坊裏取端端揚州近日渾成錯一朵能行白牡丹於是居豪大賈競臻其戶或譴之曰李家娘子纔出墨池便登雪嶺何期一日黑白不均 明末名妓李三以姿容詞曲擅名而色甚黑善一廣陵富賈亦以黑著郭丸封調黃鶯兒嘲之曰水墨李三娘黑旋風兄妹行張飛昔日同駕帳纔別霸王又接周倉鍾馗也在門前鬪尉遲恭溫將軍賣俏勾搭了龜君王又嘲黑婦詩云黑有幾般黑惟君黑得全黑藕爲雙臂燒梨作兩拳汗流如墨

潘放屁似審烟夜眠漆橈上秋水共長天

烏江廟

烏江有項羽廟頗靈異舟楫往來必焚紙錢祭享否則獲咎有一狂士麾舟前進風濤果作士怒返舟登廟題一絕於壁曰君不君兮臣不臣嗟今空自作威靈平分天下曾嫌少一陌金錢值幾文題畢舟行竟無他故邀祀之患因而遂息後有滑稽者代項王答詩云楚不楚兮漢不漢於今立廟江之畔平分天下雖嫌少一陌紙錢必要算

十八學士圖

一人以十八學士卷獻豪貴甚賞之許以百金及閱畫中人止得十七却還之其人持卷泣於途遇白玉蟾問以故玉蟾舉筆題其上曰臺閣崢嶸倚碧空登瀛學士久遺踪丹青想出忠良手不畫當年許敬宗詩字皆佳仍獲百金

題昭君圖

下第舉子題昭君圖云一自蛾眉別漢宮琵琶聲斷戍樓空黃金買取龍泉劍

寄與君王斬畫工又崑山鄭文康送下第生詩有王嬙本是傾城色愛惜黃金自悞身之句

長吳兩令錄科

崇禎間長洲令唐九經吳縣令牛若麟錄科唐取陸某牛取章某爲案首兩人皆有才學而家世不清白好事者作詩曰獐邊是鹿鹿邊獐俱是田中白大郎堪笑唐牛兩知縣却從眼下取文章

咏手

草木子載士人咏手詩云一唾功名在目前豈期搏虎奮空拳文章誤我終投筆志氣凌雲肯執鞭滄海釣鰲定有日碧霄攀鳳看他年扶持社稷心中事要與君王解倒懸

纖手

雪濤集載沈彥博少時調鄰女執其手爲女父所訟縣令問曰汝能詩否答曰能遂命題女手彥博即吟云曾向花叢揀俏枝宛如春筍露參差金釵欲留撩

輕髻寶鏡重臨掃淡眉雙送鞦韆扶索處半掀羅袖賭鬪時綠牕獨撫絲桐操
無限春愁下指遲令見詩大賞勸父以女歸之次年彥博遂登科

美人足

眞定梁蒼巖清標有沁園春詞詠美人足云錦束溫香羅藏暖玉行來欲仙偏
簾櫳小步風吹倒褪池塘淡佇苔點輕彈芳徑無聲纖塵不動蕩漾湘裙月一
彎秋千罷將跟兒慢拽笑倚郎肩登樓更怕春寒好愛惜相偎把握問想嬌
慙欲睡重纏纏帶蒙騰未起半落紅蓮筍指留痕凌波助態款款低徊密意傳
描新樣似寒梅瘦影掩映窗前華亭董蒼水亦有畫堂春詞云鳳頭低露畫
裙邊繡幫三寸花鮮淩波何幸遇嬋娟瓣瓣生蓮怪殺夜來狂甚溫香一捻
堪憐玉趺褪盡軟行纏被底燈前

曹西士詞

康熙壬子冬在德州旅店中見壁上一詞云春闈期近也望帝鄉迢迢猶在天
際懊恨這一雙脚底一日廝趕上五六十里爭氣扶持吾去博得官歸恁時賞

你穿對朝靴安排你在轎兒裏更選個弓樣鞋夜間伴你不知爲何人所作後
讀顧元慶簷曝偶談知爲曹東畎赴省陸行良苦自慰其足而作按東畎名幽
字西士宋嘉熙時人詞名紅窗迴

廣文謔詞

雪濤集載西安一廣文性介善謔罷官家居賴門徒舉火乃自作清江引謔詞
曰夜半三更睡不著惱得我心焦燥跣躑的一聲儘力子駭一跳原來把一股
脊梁筋窮斷了秦藩中貴聞之轉聞於王王喜召見賜之百金

棋落水

一人談王陽明幼時好棋海日規之不止遂將棋拋於水陽明因作詩云象棋
終日樂悠悠苦被嚴親一旦丟兵卒墮河皆不救將軍溺水一齊休馬行千里
隨波去象入三川逐浪游礮響一聲天地震忽然驚起臥龍愁

月洲善詩

吳僧月洲善詩喜聲色沈石田給以名妓招之即來而實無有月洲遂題菜邊